

## ZAPISNIK

sa II Sjednice Izvršnog odbora Udruženja poslodavaca FBiH održane dana 11.10.2016.godine u prostorijama Udruženja poslodavaca FBiH (Mula Mustafe Bašeskije 12/3).

**Sjednici su prisustvovali članovi I.O.:** Adnan Smailbegović, Milenko Čolak, Marin Raspudić Safudin Čengiđ, Nedžad Šadić (po ovlaštenju Rusmira Hrvica) i Samir Alić (po ovlaštenju Snježane Kopruner).

**Sjednici nisu prisustvovali članovi I.O.:** Nurdin Peštalić

**Sjednici je pored članova I.O. prisustvovao i član ESV-a za teritoriju FBiH** Zoran Gazibarić i zamjenik predsjedavajućeg Skupštine Salem Ekmešćić.

**Ispred UP FBiH:** Mladen Pandurević i Mersiha Jusić

Predsjedavajući Upravnog odbora Adnan Smailbegović je predložio sljedeći:

### DNEVNI RED

1. Usvajanje Zapisnika sa I sjednice Izvršnog odbora;
2. Zauzimanje stava Udruženja poslodavaca u FBiH po pitanju odgode primjene Pravilnika o izmjeni Pravilnika o primjeni Zakona o porezu na dohodak;
3. Razmatranje Prijedloga Zakona o PIO;
4. Razmatranje Prednacrtu Zakona no stečajju;
5. Imenovanje dva predstavnika Grupacije poslodavaca prometa nafte i naftnih derivata za članove Pregovaračkog tima za zaključivanje Granskog kolektivnog Ugovora za djelatnost trgovine;
6. Takuća pitanja;

Dnevni red je jednoglasno usvojen.

### RASPRAVLJANJE PO TAČKAMA DNEVNOG REDA:

#### Tačka 1.Usvajanje zapisnika sa I sjednice IO

Predsjednik je upoznao prisutne sa ovom tačkom dnevnog reda i za, molio da se izjasne po zapisniku. Gdin. Samir Alić je istakao da gđa. Kopruner je u pisanoj formi dostavile svoje primjedbe na zapisnik ističući da zapisnik ubuduće treba da bude dostavljan odmah poslije sjednice Izvršnog odbora.

Obzirom da nije bilo primjedbi donesen je:

**ZAKLJUČAK:** Zapisnik sa prošle sjednice je jednoglasno usvojen uz primjedbu gđe. Snježane Kopruner uz zaključak da se ubuduće zapisnici sa sjednica IO dostavljaju članovima IO najkasnije 3 dana poslije održavanja sjednice IO.

**Tačka 2. Zauzimanje stava Udruženja poslodavaca u FBiH po pitanju odgode primjene Pravilnika o izmjeni Pravilnika o primjeni Zakona o porezu na dohodak;**

Predsjednik je upoznao pristne sa ovom tačkom dnevnog reda ističući da će na sjednici ESV-a koja je zakazana za danas 11.10.2016. godine delegacija UPFBiH u skladu sa zaključcima sa prošle sjednice zatražiti odgađanje Pravilnika o izmjeni Pravilnika o porezu na dohodak do kraja godine uz uslov da se u međuvremenu donesu Zakon o porezu na dohodak i Zakon o doprinosima kojim je planirano smanjenje doprinosa. Gdin. Smailbegović je također istakao da je UPFBiH u protekloj sedmici i putem javnosti najavilo ove zahtjeve te da čak postoji i mogućnost ukoliko se zahtjevi UPFBiH ne prihvate da se UPFBiH povuče iz socijalnog dijaloga.

Nakon toga je uslijedila diskusija u kojoj su učesvovali svi prisutni. Svi prisutni su se složili da je ovakvo postupanje Vlasti zaista nekorektno i ignosrisanje socijalnog dijaloga. Također, strateški ciljevi reforme apsolutno nisu u skladu sa Reformskom agendom. Smanjenje opterećenja na rad je bilo predviđeno za septembar 2016. godine. Gdin. Mladen je istakao da bi Zakoni na doprinos i Zakon o porezu na dobit ukoliko se uputi u parlamentarnu proceduru u novembru neće sigurno biti usvojen do juna. Također je istakao da svi članovi delegacije poslodavaca moraju biti glasni na današnjoj sjednici. Važno je napomenuti da je u toku protekle godine kroz 10 Zakona koji su doneseni samo su uvedena dodatna opterećenja za poslodavce i to je UPFBiH već prezentiralo i vladi i javnosti. Gdin. Smailbegović je istakao da ima informacije da ministrica sigurno neće prolongirati Pravilnik te da u tom slučaju smatra da bi poslodavci trebali preuzeti sve dodatne aktivnosti i učiniti napore da se Zakon o doprinosima i porezu na dohadak najkasnije u roku od 15 dana uputi u parlamentarnu proceduru. Gdin. Mladen je istakao da ipak poslodavci trebaju u ESV-u istaknuti da je ovakvo ponašanje Vlade neprimjereno te da je ovo nepoštivanje socijalnih partnera.

U okviru ove tačke dnevnog reda gdn. Smailbegović je predložio da UPFBiH pokrene apelaciju za poništenje Zakona o porezu na dobit zbog retroaktivnog dejstva. Također je predložio da se po ovom pitanju angažuje advokat koji ima najbolje reference po ovom pitanju. Nakon prijedloga Smailbegovića uslijedila je rasprava u kojoj su učestvovali svi prisutni koji su podržali prijedlog gdn. Smailbegovića.

**Zaključak:**

**A.D. 1.1. Izvršni odbor UPFBiH je zaključio da će članovi delegacije ESV-a na sjednici Ekonomsko socijalnog vijeća zahtjevati odgodu Pravilnika o izmjenama i dopunama Pravilnika o porezu na dohodak uz uslov da se istovremeno usvoje Zakon o porezu na dohodak i Zakon o doprinosima kojim su planirani smanjenje doprinosa. Ukoliko Vlada ne prihvati odgađanje Pravilnika poslodavci će zahtjevati da se najkasnije u roku od 15 dana pripreme navedeni Zakoni i upute u parlamentarnu proceduru. Također će upozoriti Vladu da će učiniti sve napore da se Zakoni donesu u što kraćem roku.**

**A.D. 1.2. Vezano za pokretanje apelacije za poništenje Zakona o porezu na dobit IO je u potpunosti podržao prijedlog Smailbegovića i zadužio Predsjednika da u saradnji sa direktorom pokrenu aktivnosti.**

### **Tačka 2. Razmatranje Prijedloga Zakona o PIO;**

Vezano za ovu tačku dnevnog reda gđin. Mladen Pandurević je ukratko prezentirao prisutnima da je stručna služba u skladu sa dostavljenim primjedbama napravili konačnu verziju Primjedbi u formi amandmana koje bi trebalo uputiti nadležnom ministarstvu. Nakon izlaganja gđin. Pandurevića Predsjednik je otvorio raspravu u kojoj su učestvovali svi prisutni. Tokom rasprave gđin. Samir Alić u ime gđe Snježane Kopruner dao primjedbu na Zakon o PIO. Naime, prijedlog je da 3 grupe za utvrđivanje osnovice za obračun penzija, jer će opet sve pasti na grbacu najmanje placenih. S tim u vezi prijedlaže da se kroz Zakon o PIO uvedu grupe za realni sektor, za javnu poduzeća i za državne službenike. Pored ove primjedbe konkretne primjedbe su iznijeli i gđin. Milenko Čolak i gđin. Safudin Čengić i zamolili da se dodatno ugrade u tekst.

Nakon rasprave donesen je sljedeći:

#### **Zaključak:**

**A.D. 2.1. Predloženi Amandmani u potpunosti usvojeni od strane Izvršnog odbora uz zaključak da se primjedbe gđina. Čolaka i Čengića ugrade u tekst Predloženih amandmana.**

**A.D. 2.2. Zadužuje se stručna služba da u postojeći tekst ugradi predložene primjedbe te da konačan tekst uputi nadležnom Ministarstvu i predsjedavajućim klubovima poslanika te određenim zastupcima u Predstavničkom domu Parlamenta FBiH.**

### **Tačka 3. Razmatranje Prednacrtu Zakona no stečaju;**

Predsjednik Smailbegović je upoznao prisutne da je sa prof. Milićem Simićem koji je ispred UPFBiH član Radne grupe za izradu Zakona o stečaju, obavio konsultacije i na osnovu toga pripremljena je prezentacija za ESV. Ukratko je prisutnim prezentirao zaključke po pitanju Zakona o stečaju i zamolio da se izjasne.

Nakon izlaganja gđina Smailbegovića uslijedila je rasprava u kojoj su učestvovali svi prisutni i koji su dali kvalitetne primjedbe i mišljenja. Svi prisutni su se složili da treba podržati donošenju Zakona te da UPFBiH u ovoj fazi obzirom da se radi o radnoj verziji Zakona te da ima dovoljno vremena za Primjedbe na ESV-u treba dati samo okvirne principe kako bi Zakon trebao definisati određena pitanja-. Nakon rasprave donesen je sljedeći:

#### **Zaključak:**

**A.D. 3. 1. Delegacija ESV-a će na sjednici ESV-a podržati donošenje Zakona uz sljedeće preporuke:**

- Pojednostavljenje procedure stečajnog postupka;
- Uvođenje instituta „vlasnika“ kod procedure pokretanja i provođenja predstečajnog i stečajnog postupka);
- nije potrebna saglasnost dužnika za pokretanje predstečajnog postupaka;

- Precizno odrediti ko prihvata predstečajnu nagodu;
- Mogućnost da svi povjerenici mogu konvertirati potraživanja u kapital;
- Skraćenje rokova za okončanje predstečajnog i stečajnog postupka ( 90 dana +60 dana predstečajni, 12 mjeseci + 6 mjeseci stečaj);
- Kontinuirana edukacija stečajnih upravnika;
- Definirati ovim ili drugim Zakonom da sudija koji vode stečajni postupak mora biti sa iskustvom parničnog i vanparničnog suca od najmanje 10 godina iskustva;
- Zakonom nije predviđen postupak brisanja pravnih lica koja godinama ne rade (moguće to definisati Zakonom o likvidaciji ili ovim Zakonom);
- Kaznene odredbe trebaju biti proširene na sve učesnike u postupku;

**A.D. 3.2. Prije utvrđivanja Prednacrtu Zakona UPFBiH će održati sastanak sa Ministrom pravde FBiH. Nakon utvrđivanja Nacrtu Zakona potrebno je Zakon ponovo razmatrati na sjednici ESV-u FBiH. UPFBiH traži da se prije usvajanja Zakon uputi u javnu raspravu;**

**Tačka 4. Imenovanje dva predstavnika Grupacije poslodavaca prometa nafte i naftnih derivata za članove Pregovaračkog tima za zaključivanje Granskog kolektivnog Ugovora za djelatnost trgovine;**

Predsjedavajući je upozano prisutne sa ovom tačkom dnevnog reda ističući da IO na osnovu Ovlaštenaj UO ima pravo da imenuje članove pregovaračkih timova koje nije imenovao UO. U tom smislu potrebno je imenovati dva člana pregovaračkog tima predstavnika poslodavaca za promet nafte i naftnih derivata u pregovarački tim za KU za trgovinu koji je imenovan od strane UO na osnovu Odluke broj: I-241/16. Također u okviru ove tačke potrebno je imenovati pregovarački tim za vođenje pregovora i zaključivanje KU za djelatnost građevinarstva. Smailbegović je upozano prisutne sa prijedlozima članova i dao Odluke na usvajanje.

Nakon glasanja donesen je sljedeći:

**Zaključak:**

**A.D. 4.1. IO je donio Odluku o imenovanju dva predstavnika Grupacije poslodavaca prometa nafte i naftnih derivata za članove Pregovaračkog tima za zaključivanje GKU za djelatnost trgovine za teritoriju FBiH. Za članove pregovaračkog tima imenovani su: Selma Hadžović, Holdina d.o.o. i Energopetrol d.d. Sarajevo i Emir Čizmić, HIFA d.o.o. Tešanj**

**A.D. 4.2. IO je donio Odluku o imenovanju Pregovaračkog tima za zaključivanje GKU za djelatnost građevinarstva. Za članove pregovaračkog tima imenovani su: Nedim Čehajić, Inn d.o.o, Džemal Hasković, Džekos d.o.o. Sarajevo, Šukrija Malezović, Grakop d.o.o. Kiseljak, Mijo Ćosić, Ćosićpromex d.o.o. Žabljak-Usora i Šefik Močić, Gradex d.o.o. Gradačac**

**Tačka 5. Takuća pitanja;**

**Pod tekućim pitanjima raspravljalo se:**

- a) Inicijativa Ez Busovača vezano za promet proizvoda koji sadrže hemikalije ili biocide na teritoriju RS a ukoliko su proizvođači na teritoriji FBiH;
- b) Pravilnik o sadržaju i načinu vođenja evidencija o zaposlenim i drugim licima;

Vežano za tačku a) prisutne je ukratko sa problemom upoznao gđin. Salem Ekmešćić, EZ Busovača. Gđin. Salem je istakao da su u RS doneseni novi Zakoni i podzakonski akti vezano za promet proizvoda koji sadrže hemikalije ili biocide, kojim se narušava jedinstveno tržište i ograničava proizvođačima iz FBiH da plasiraju. Naime, Republička uprava za inspekcijske poslove RS-a svim trgovačkim centrima u RS-u je dostavila dopis u kojem se navodi da proizvodi koji sadrže hemikalije ili biocide moraju biti klasifikovani, posebno upakovani i obilježeni, te upisani u odgovarajuću evidenciju Ministarstva zdravlja i socijalne zaštite RS-a, u suprotnom će nadležne inspekcije zabraniti promet proizvoda, kao i izdati enormno visoke novčane kazne za subjekte koji vrše promet istih. Određeni proizvođači iz FBiH su se informisali u Minisatrstvu zdravlja RS-a, gdje su im potvrdili uslove – da bi registrovali svoje proizvode, proizvođači moraju registrovati ili novu firmu, odnosno poslovnu jedinicu na području RS-a ili ovlastiti distributere sa teritorije RS-a koji ima ekskluzivno pravo prodaje, što ukida već uspostavljene kanale prodaje, iziskuje neplanirane, velike troškove, a proizvođače i njihove proizvode čini nekonkurentnima. Nakon izlaganja zamolio je članove IO da daju podršku da se od Vlade FBiH zatraži hitna intrvencija i da zajedno sa Vladom RS riješi ovo pitanje.

Veazano za tačku b) gđin. Pandurević je upoznao prisutne da je Minisatsrtvo za rad i socijalnu politiku UPFBiH uputilo Pravilnik o sadržaju i načinu vođenja evidencija o zaposlenim i drugim licima sa zahtjevom da UPFBiH dostavi mišljenje na Pravilnik. Predložio je da treba dati pozitivno mišljenje na pravilnik uz primjedbe koje su dostavljene od strane poslodavaca ističući da se primjedbe odnose na vođenej evidencije u toku dnevne pauze i rok za čuvanje dokumentacije.

### **Zaključak:**

**A.D. 5.a.1. Zadužuje se stručna da poduzme aktivnosti i od Premijera Vlade FBiH zatraži hitnu intervenciju za rješavanje ovog problema.**

**A.D 5b.2. Zadužuje se stručna služba da mišljenje sa primjedbama uputi Minisatsrtvu za rad i socijalnu politiku FBiH.**

Sjednica je završila u 14:30 časova.

Zapisnik sačinila

Mersiha Jusić

Predsjednik Izvršnog odbora

Adnan Smailbegović